



沙

市

於曙巒

一 沙市地位

(甲) 方位 沙市一名沙津，一名沙頭，屬湖北江陵縣，在治東南十五里，省會西水程一千零八里，——監利，新堤，漢口三個三百六十里。——西去宜昌三百六十里，北去襄陽四百九十里。

(乙) 氣候 沙市緯度較宜昌僅偏南二十餘分，氣候大致相似，惟附近多河澤湖泊，溼氣較大耳。

二 沙市城市

沙市興於何時，其歷史不可考，但荊州自為楚都，（楚都 郢，即紀南城，在江陵城北十五里，遺蹟猶存）成爲歷代軍事重地，沙

市爲其外港，當隨之而興，且荆襄爲舊日西南各省入都（非專指北京，包括長安，洛陽等舊都）通衢，沙市正其樞紐，觀元微之

詩「關咽沙頭市，玲瓏竹岸窗」知其繁盛，在唐時已然矣。不過

至清光緒二十一年，中日馬關和約開沙市，蘇州，杭州爲商埠後，

此處更見興盛耳。鄉人諺云：「天下口，算漢口；天下市，算沙市。」

雖爲坐井觀天之語，亦可知沙市之繁榮矣。茲就其城市狀況，分

述於次：


(甲) 地勢

沙市南濱長江，地勢甚低，宋時築大堤，（名萬城堤，詳後）抵禦江流，而江身遂漸爲泥沙壅積，竟高出沙市之市

面，每當水漲，往來輪帆等船，如行屋頂，（指堤內房屋，其危險殊

難言狀，故土諺有「水來打破萬城堤，荊州便是養魚池。」所幸

沙市



30000

堤身堅固，保護甚力，或不至潰決，尚可苟且儉安耳。不過

來日大難，終覺可畏。(1) 日往月來，江身漸積，沙市地面

不能增高，大堤雖可隨水增築，然過其高度，即發生危險，

不可久恃。(2) 長江左右之大小湖泊，日見壅塞，(洞庭

昔稱八百里，今已縮小，大非舊觀，即是其例。) 江流暴漲，

無地容納，水勢漸見兇猛。(3) 人民貪利，日謀築堤，侵蝕

蓄水面積，江流既增高，更猛水勢。以上三點，實沙

市將來存亡問題萬難忽視者也。而沙市人士，均怡然泰

然，視若無事，未聞有加以研究，設法防禦者，後顧之憂，令

人生懼。

(乙) 街市 沙市繁盛街市，均在堤內，(堤上亦築街

數里曰堤街。) 如青石大街，劉家場，絲線街，赤帝宮街等，

全市精華，咸萃於斯，惟街道仄狹，屋宇古樸，地勢高低，路

石凌亂，較之宜昌各馬路，則相差甚遠。

沙市街市，現既狹窄，將來商務進步，市政亦殊難發展。

蓋因其東北雖多曠野，奈距江較遠，修築商埠，自不適宜。

濱江一帶，為大堤所縛，毫無施展餘地。拆卸舊街，改造新


市，又非目今所可能，此誠沙市一大缺陷也。

(丙) 附江陵城市狀況

江陵城爲舊荊州，在沙市西北十五里，吾國歷史上一名區也。胡文定《陽關地理通釋》曰：「荆塔江左上流也，故楚子自秭歸徙都，日以富強，近併穀鄧，次及漢東，下收江黃，橫行淮泗，遂併吳越，傳六七百年而後止，此雖人謀，亦地勢使然也。後漢衰，劉表牧之，坐談西伯；先主假之，三分天下；關羽用之，威振中華；孫氏有之，抗衡曹魏；晉、宋、齊、梁，倚爲重鎮，財賦兵甲，當南朝之半。」荊州之重，可想而知，故前清設將軍，駐旗兵於此也。茲將其城市狀況，一附述之：

(1) 城垣。城爲明太祖飭平章王璟，依舊基修築，周八里餘，有六門，形如橢圓，東西約六里，南北約三里，清駐防將軍，統八旗兵駐城東，遷官署市廛於城西，設牆間之，遂稱東城曰滿城，西城曰漢城，民國後，始拆去間牆，回復原狀。荆城因爲八旗駐防之地，常加修葺，至今仍整齊宏壯，故有「鐵打荊州」之稱也。(2) 街市。江陵商業重心，集於沙市，荊州城內，除官署、學校及民房外，

江陵(州) 荆(德)



無大商店，街市蕭條，荒涼滿目。民國以來，旗兵失其生計，日以拆卸房屋，運材料磚瓦至沙市出售為生，（因荆城寥落，無人買屋，故只得拆運沙市出售也。）東城已成一片瓦礫之場，益增蕭條景象，將來必漸趨荒廢也。但荆城城垣寬曠，地勢平坦，距沙市雖十餘里，有小河可通舟楫，陸路亦平坦易行，彼此交通，尚不為難。

將來沙市商業發達，大可將大小工廠，築於此間，一可濟沙市地勢逼促之窮，一可與荆州衰落之市，誠兩得也。（3）荆城旗民狀況。旗民當前清駐防荆州時，人戶頗衆，年有餉糈，可不勞而食，終日以提雀籠，打野鬻，入賭局，坐酒樓為事，盤據東城，無上尊貴，漢人入內，動遭侮辱。然壓迫之下，亦時起反動，如光緒末年，草市

（在荆州東城外二里）演劇滿漢同觀，因事衝突，遂起械鬪，結果漢人頗吃虧苦。又如枝江孫家湖，與漢民爭奪牧地，雙方衝突，亦數見不鮮。荆州附近之漢民，頗為所擾。光復後，滿人泰山既失，餉源又斷，素無職業，驟然謀生，其困苦自不待言。且多懈怠昏庸，向不知蓄積，遂專恃變賣衣物房屋為生，然「坐吃山空」，現多一身

之外無長物，窮困不堪。男子多當人力車夫，（荆沙人力車夫，旗人居十之八九）女子傍街設小肆，售賣零食，旗裝雖多未改變。

然頗領權權，大失昔日驕奢尊貴之態矣。當前清駐防時，有黑，烏，巴等大家。民國後，大戶多已他徙，現留荆比較富庶者，則恩，葵等三數家。荆沙間多不動產，餘則窮苦不堪，流寓董市，江口，枝江等處，留荆者只千人左右而已。

留荆旗人之言語，皆北音而兼南腔，即北京語與荆州語，混合成一特別語音，男女老幼，無不如此，聞其音即知其為旗人也。

三 沙市交通

（甲）水道 沙市南濱長江，漢宜大輪航線，行經此處，其情形已詳宜昌篇中。民國以來，沙市小輪，頗見發達，有航線四條，均以此為中心，其公司及船名如左表：

公司		船名	標識	備考
合	鼎	新	黑色煙筒	
利	漢	新	同上	
亨	日	新	同上	
合	慎	大	紅色煙筒	





(2) 沙市津市線 此線由沙市入虎渡河，經公安縣，抵湖南醴縣之津市，計水程三百里。但內河水小，只能於夏秋水漲時航行，冬春水落，則改行他線，其經過地點如左表：

停船所	距離	船	價備	考
沙市	〇	〇	距離船價均以沙市	
太平口	三〇		四五〇	爲原點
彌陀寺	四〇		六五〇	
戴家場	六五		八五〇	
黃金口	九〇		一二五〇	
夾竹園	一〇五		一三五〇	
公安	一八〇		一八五〇	
孟家漢	一九五		一九五〇	
五筲河	?		二四五〇	
津市	三〇〇		三二五〇	

(3) 沙市藕池口線 此線由沙市循長江，經斗湖堤郝穴等處，抵石首縣之藕池口，水程百八十里，兩岸皆人煙稠密，物產豐

富之區，航業亦頗發達。近年藕池口爲鄂省對湘軍事重地，沙市藕池間之軍書往來，日見繁劇，而此線航業，更形重要矣。其所經地點如左表：

停輪所	距離	船	價備	考
沙市	〇	〇	距離船價均以沙市	
筲灣	一五		三五〇	爲原點
斗湖堤	六〇		六五〇	
馬家寨	七五		七五〇	
郝穴	一〇五		九五〇	
新廠	一三五		一〇五〇	
新口	一五五		一二五〇	
藕池口	一八〇		一四五〇	

(4) 沙市漢口線 此線由沙市直至漢口，專於大輪間班時開駛，所謂「走插當子」也。其船價較大輪爲廉，且無買鋪等花費，一般小商販，多棄大輪乘此，下水兩日達漢口，較大輪速力，亦相差無幾，故其營業頗發達，惟船隻甚少，只祥和仙桃兩艘耳。所經

地點如左表

停輪所	距	離船	價	備	考
沙市	〇	〇	〇	距離船價均以沙市為原點	
郝穴	一〇五		〇		
藕池口	一八〇		〇		
調絃口	二七〇		一		
塔市驛	三四五		一		
監利縣	三六〇		一		
上車灣	三九〇		一		
荊河口	四八〇		一		
新堤	七二〇		一		
漢口	一〇八〇		二		

小輪之外，帆船頗多，其情形已詳宜昌交通篇中。而沙市市北之便河北通長湖，直會漢水，凡漢水上游對川湘貨物貿易，概由此河舟運至沙市，搬堤改駁入江，分運他處，故便河雖水淺不通小輪，而帆船來往頗繁，沙市商務之發達，此河之功實非淺鮮也。

(乙) 陸路交通 沙市原無鐵道汽車道，只荊州襄陽間，荊州

當陽間人行道數條，陸地交通，殊感不便。近年路政漸見興築，陸地交通，頗有一線曙光，沙市商務，亦必隨之起色矣。

(一) 襄沙長途汽車路已成線 沙市至襄陽，計程四百九十里，在昔為黔湘、滇粵等省入京通衢，異常重要。自長江輪船勃興，京漢鐵路築成，昔之循荆襄者，概行改趨漢口，此路頓形衰落，而荆襄在地理上之位置，呈其黯淡之色。民國十二年，荆門電報局長包慶裕，提議修築襄沙長途汽車路，得襄陽道尹熊賓氏之贊成，遂由熊氏苦心孤詣，招集股款，採擇路線，經幾許計畫磋商，始決定此線，動工數月，於十三年秋全部通車，可謂速矣。聞全路修築費，只用以去三十五萬元，所費亦頗儉也。

此路雖已全部築成，然事屬草創，辦理頗未完善，其缺點：(一) 路基不堅。此路因經費關係，僅就荆襄舊驛道略加修築，因陋就簡，路而不堅，兩後行車，轍痕深入，汽車行駛其上，不但速度大減，且異常危險。(二) 橋梁單弱，全路橋梁，或依舊橋略加補寬，或造新橋，均係木製，既難持久，且頗危險。(三) 車輛過少。全路只客車二十四輛，須搶買車票，始有車可坐。(四) 缺少貨車。全路無一貨



車，襄沙間貨物運輸，仍感困難，汽車公司，亦失大部營業。(五)車輛分配不勻。此路大缺點，即車輛分配不勻，所有汽車，平時均集於襄陽總公司內，襄陽有客南下，車始開到沙市，否則沙市雖有多數旅客，無車可坐，常候至數日，仍僱轎陸行，既失信用，又減營業，處置未善，莫此為甚也。上舉五點，均須極力改良，始有發展希望。否則雖有此路，而交通上亦無多大利益也。

(2) 荆沙長途汽車路未成線 此路由新堤至沙市，正在勘估路線，何時可成，尚難預定。其路線起於新堤，經螺山，白螺磯，觀音洲，尺八口，朱家埠，上下車灣等處，市鎮櫛比，人煙稠密，一旦築成，營業必大發達也。

(3) 沙興鐵路未成線 此線於前清光緒間，由英國經營，業已勘定路線，起於沙市，經湘之常德，辰州，黔之鎮遠，貴陽，迄於興義，所過均係鑛產豐富之區，為最有利利益之鐵路，現雖停頓，將來勢須修築，可以斷言，而沙市前途之發展，亦恃此路也。

(4) 荆沙間之交通 荆沙間之交通，除便河可通小舟，陸地則恃兩地人力車，代送行人。沙市人力車，創自民國元年，同時有履泰，均益兩公司，後合併為履泰益，有車三百五六十乘。荊州有

大同公司車二百乘，除各行本鎮外，彼此交通，則至白雲橋分界，不能越過此橋一步，坐者須於此換車前往也。

四 沙市商業

(甲) 商業 沙市商業，甚為發達，有「小漢口」之稱，蓋其附近如江陵，枝江，松滋，公安，石首，監利等縣，皆土地肥沃，人煙稠密，米穀，棉花，雜糧，絲繭等產，亦頗豐富，而水道四通八達，(如東西之長江，北之便河，直通漢水；南之虎渡河，直達洞庭；西北沮水，上達當陽遠安)，轉運甚便，故其市場，自昔即盛也。

(乙) 貿易額 沙市大宗貿易，出口以棉花，絲，柏油，荳，芝蔴，麥，菜子，菜子餅，羊皮，藥材，漆，油，白蠟等，進口以棉紗，布疋，糖，靛，五色染料，煤油等，其貿易額如左表：

(A) 直接往來外洋貿易

年份	洋貨進口	土貨出口	共計
民國二年	100,000	226	100,226
民國二年	193,860	275	194,135



民國六年	二八四、九七〇	二四五	二八五、二二五
民國七年	三五〇、八二〇	一一一	三五〇、八三二
民國八年	二七七、五〇七	二二六	二七七、六三三
民國九年	四四三、六七七	二二二	四四三、八八九

(B) 洋貨進口淨數及土貨出口總數

年 份	洋貨進口淨數	土貨出口總數	共 計
民國二年	三、一八三、八三六	八九六、四二二	四、〇八〇、二五七
民國三年	三、〇二〇、四〇五	八六四、八四二	三、九〇五、二四七
民國六年	二、四〇四、六五六	一、五四一、四〇八	三、九四六、〇六四
民國七年	三、一三四、八八九	二、一六九、九七一	五、三〇四、七八〇
民國八年	二、五六〇、六四七	一、五四五、三九〇	四、一〇六、〇三七
民國九年	三、〇九三、五〇六	一、四三四、八三三	四、五二八、三三八

觀上表沙市商務，每年進口超於出口，爲數頗鉅，此固爲中國商業普通現象，係貧民弱國之一大原因。然沙市尚有特別情形，

因其附近交通便利，風氣頗開，人民奢侈程度，較之一般社會爲高，需用洋貨，爲數較鉅，故成此漏卮甚大之結果也。



(五) 金融 沙市商務興盛，而金融界亦頗發展，計有福泰長，

永源長，鼎新長等錢莊九十七家。流行市面之銀元，鈔票，官票，四川當五十銅元，(用至監利以下，即不通用。)當二十銅元等，大致均與宜昌情形相似。惟大小商店，均發行私票，(當千文者)俗呼「沙票」，既無限制，爭謀濫發，動輒超出資本數倍，流行市面，種色既多，價值低落，偽造倒騙，遺累用戶，時有所聞。政府雖屢申禁令，不准發行，而市面仍然充斥，擾亂金融，爲害甚大。此種現象，不獨沙市如此，而松滋，枝江，公安等縣，及江口，董市，草市等鎮，其商店均有私票發行，稱爲「鄉票」，金融狀況，甚爲危險也。

五 沙市工業

(甲) 規模較大之工業 沙市工業，尙在萌芽時代，本無可稱。惟民國以來，漸有進步，於手工業之外，亦略有規模較大之機器工廠矣。茲就其最大者數家，列表於次：

名	稱	所在地	資	本開辦時期	僱工人數
信義麵粉公司		板門子街	一二〇、〇〇〇元	民國三年	一五〇
勝家機器公司			二〇、〇〇〇	民國元年	八〇
崇石印刷公司		二府街	一〇、〇〇〇	民國九年	一〇〇
中日捲煙公司		青石街	八、〇〇〇	光緒三十三年	一〇〇
雲錦機器米廠	赤帝宮街		?	?	?
流民乞丐工藝廠	文星樓	經費特鋪戶捐		民國十二年	一五〇

(乙) 手工業

除上表所列規模較大之工業外，則為手工業。

紗業已為紗廠所奪，僅餘織布業矣。所產土布細緊平勻，尤以

而手工業最有名者：(一) 荆緞織坊。此種織坊，係用本地所產之

「沙市筒子布」為最佳，故「荆莊大布」馳名於西南各省，其手工

絲，織成各種花色被面袍料等緞，稱曰「荆緞」，質地堅實，花色鮮

織布之技能，實優於他處也。(二) 盆桶漆器。沙市多漆工，於川湘

麗，價值尚不甚昂，為荆沙手工業之最細緻者。惜業此者過少，只

等省購來大宗盆桶等木器，加以油漆，平勻光潔，咸稱佳品，故漆

張積盛萬祥發兩家，因出品頗微，無以推銷各處，如能從事擴充，

器為沙市特產一大宗也。

力求進步，雖不能媲美蘇浙緞業，亦荆沙一重要出品，自可斷言。

織緞工人，多係鄂城縣籍，團體堅固，其技術決不傳授外籍工人，

故荆緞事業，為鄂城人所獨佔也。(二) 土布織工。荆沙一帶，產棉

(甲) 農業公司 沙市附近，地勢平坦，土質膏腴，素稱農業最

頗盛，紡紗織布，為家庭中重要事業。近來中國紗廠勃興，手車紡

盛之區，棉絲雜糧出產豐富之地。惜農人固陋自封，乏農業上之

六 沙市附近之農業

新知識，又無組織，陳陳相因，毫無進步也。其略具組織，有新式農業之設施者，則惟下表所列四農業公司。

名稱	所在地	資本	本創辦時期	僱工人數
永益農林公司	江陵縣西門外	一〇,〇〇〇元	民國元年	一五〇
暢茂牧畜公司	沙市便河	三,〇〇〇	民國元年	六〇
振興農林公司	江陵東門內	五,〇〇〇	民國二年	一〇〇
敦誼農林公司	江陵南門外	三,〇〇〇	民國三年	八〇

(乙)重要農產物 荆沙一帶，為雜糧出產最豐之地，其最重

要者，概舉於下：(一)稻。此處所種之稻，種類甚多，其穀之紅，白，小，不同；芒之有，無，長，短，不同；米之堅，鬆，赤，白，不同；大要高田宜早稻，湖田宜晚稻。(二)麥。大麥有驚蟄早，三月黃，自落芒等，小麥有西曬白，竹根早，毛邊子等。(三)蕎麥。有甜蕎麥，苦蕎麥兩種。(四)黍。其苗如蘆，高丈餘，有赤，白，黑數種，赤者最粘，可蒸食，並可釀酒。(五)玉蜀黍。俗呼玉米，荆屬陽山及洲田多種之，可以作飯，釀酒，較高梁倍醱。(六)粟。有大黃粟，小黃粟，和尚頭，嬾人春等名稱，糯者釀酒，熬糖，作糕，旱田洲田多種之。(七)豆。有黃，白，紫，黑，赤，青，畫

眉，冬，褐，蒼，五月，九月，碗，缸，蠶，刀，藕，虎爪，蛾眉，龍爪等豆名。(八)芝麻。有黑，白，二種，黑者即胡麻，一名巨勝，作角八稜。白者兩頭尖銳，作角七稜。

(丙)漁業 農民傍江居者，多於農暇從事漁業，每值夏月水漲魚躍，名為起汕。捕魚之具甚多，大魚用沉網，羊角搖等。凡漁日必擇黑道，謂此日所得獨多。江陵城外筲箕窪馬頭，每年收取漁苗，利益甚大。開魚生子時，多由秭歸新灘下浮至此，形細如針眼，長收得後，用木作箱，貯而待售，故有「新灘產子，馬頭伺箱」之謠，他處池塘畜魚，多購於此。

(丁)堤防 堤防之於水利，實一種剜肉醫瘡之計，非根本之圖。蓋以江水汪洋，不疏濬河身，以暢其流，徒築圩堤禦水，水為所逼，其勢轉猛，幸者整鄰，不幸者自整，旨哉漢文帝之言曰：「左隄強則右隄傷，左右俱強則上下傷。」不過吾國政治昏闇，疏濬江流，決無希望，而隄防則成救濟目前之要政矣。荊州舊屬各邑，地勢平衍，湖汊縱橫，長短圩堤，不可數計。其中工程最大，關係最鉅者，則推保障沙市之萬城大堤。此堤建於宋熙寧中，宋史河渠志云：「慶元三年，臣僚言江陵府去城十餘里，有沙市鎮，據水陸之

衝。熙寧中，鄭獬作守，始築長隄，隔水，緣地本沙堵，當蜀江下流，每遇漲潦奔衝，沙水相盪，摧地動輒數十丈，乞發帑修築，從之。嗣後逐年增修，堤身日見鞏固，成爲鄂西惟一大堤，不但關係江陵、荊門、監利等縣農業，亦數百萬生命之保障也。其起迄及所經地點長度如左表：

名	稱		起止間之段數	長	度
	起	止			
堆金台	下	萬城	九	一八·四六	
上方城	下	李家埠	七	二八·四九	
上獨陽	下	筭籬	七	二〇·二〇	
黑密麻	橫	隄	五	二二·三〇	
阮家灣	長	樂堤	八	二六·〇〇	
岳家嘴	馬	寨	七	二一·五〇	
冲和觀	龍	二淵	七	二四·七〇	
上新塢	下	金果寺	二	三五·六〇	
上孟家垸	拖	茅埠	六	二〇·一〇	

合 計 六七 二一七·三五

七 沙市習俗

沙市習俗，與宜昌大致相似，毋庸重述，茲就宜昌習俗篇中所未及者，一爲補述。但所陳各種，不僅沙市一地爲然，而鄂省長江兩岸，亦多如此也。

(甲) 流行之戲劇 沙市流行之戲劇，有外來戲及本省戲兩種，外來戲如京戲，文明戲，電影等，爲最時髦之流行品，沙市均有此種戲園，本省戲則有左舉三種：

(一) 漢調 漢調俗或呼爲「大戲」，係鄂戲中之最重要者。漢調爲襄陽腔之餘系，京調祖先之一，其變遷之情形，楊冰君從崑曲到皮黃（見新共和第一卷第四號）云：

秦雲擷英小譜「戲曲自元人」院本」後演爲絳絃索二種，絃索流於北部安徽人歌之爲「樅陽腔」，湖廣人歌之爲「襄陽腔」，陝西人歌之爲「秦腔」，在「吹腔」初興底時候，有種異軍突起的東西跳出來，就是「皮黃」……這種曲調起

於湖北黃陂黃岡二縣，故以後叫做「二黃」。同時有種類似的東西出來，叫作「徽括子」……從此屬於襄陽系的，名為

「漢調」，屬於縱陽系的，名為「徽調」，混合起來以後，叫作「皮黃」……」


(2) 花鼓戲 此戲產生於湖北蕪黃州府，流行於鄂省全境，及湖北、贛北、皖南一帶，(皖南稱爲「黃梅腔」)不用絃索，亦不重臉譜，扮演時，多爲明裝，而腔調簡單，舉動猥褻，故多呼爲「花鼓淫戲」。然頗受一般社會之歡迎，荆沙鄉村，當秋收之後，多扮演以爲娛樂。

(3) 皮影子戲 此戲亦鄂省之特產。演法以厚紙裁成戲劇中各種角色之形狀，手足身首，均可活動，多係夜間開演，前障白紗，燃燈於後，每演一齣，則將其出臺人物，按劇中情節，活動於燈光之中，影映紗上，幢幢往來。數人敲鑼鼓歌唱，聲調高低，表情哀樂，均能與紗上之影，成爲一致，頗有意味。此戲具有電影之粗型，惜不能改良進步，去其笨拙耳。

(乙) 流行之童謠 童謠雖流行於愚夫愚婦，及兒童之口，然多爲社會風俗習慣，及平民思想之結晶，與詩三百篇，同一爲民

間文學，大有注意之價值也。茲將童謠之最有意義者，寫數首於下：

(1) 年來了 「年來了，是冤家；兒要帽，女要花，媳婦要勒子走人家，婆婆要糯米做餛飩，爹爹要肉敬菩薩，一屋大小都吃他。」讀此歌而中國家庭，恃一二人謀生，全家坐食，以至貧困愁苦之景况，及度歲時「要帽」「要花」「做餛飩」「敬菩薩」等俗，無不畢見矣。

(2) 莫笑窮人  星，顆顆稀，莫笑窮人穿破衣；十個指甲有長短，荷花出水有高低，甘羅早，太公遲；困龍也有上天時。「吾國貧，富貴，賤，雖未完全平等，然於人格上，早無軒輊可分，故有此種歌謠之產生也。」

(3) 矮板櫬 「矮板櫬，底底矮，養的兒子不成材；好喝酒，好打牌，五更半夜不回來。——鷄子叫，狗子咬，不中用的東西回來了。」博奕飲酒，自甘墮落，已成通病，此歌描寫最爲深刻也。

(4) 小板櫬 「小板櫬，歪又歪；我是爹爹的小乖乖，我是媽媽的活寶貝，我是哥哥的好姊妹，我是嫂嫂的對頭對。」姑嫂之不睦，是一種家庭普通現象，其原因全由於重男輕女，嫂視姑爲

別家人，爲純粹分利者，故成眼中釘也。

(5) 黃花菜 「黃花菜，短等等，爺娘養我換餅餅；換了餅，大家吃，花轎來了不作急。」此爲買賣婚姻之不平鳴也。

(6) 花花轎 「花花轎，八人抬，抬進府門來；哥哥背我上花轎，嫂嫂送我龍王廟，扯紅旗，放大炮，嗚嗚打打好熱鬧。」

(7) 過禮 「小板橋，搭高臺，媽媽家，送禮來；八對鷄，八對鴨，八封餅子八封茶。」

(8) 倒唱歌 此歌最滑稽可笑。「倒唱歌，順唱歌，河裏石頭滾上坡；先養我，後養哥；爹授媽，我打鐮；我捧首飾盒；我往家家

(鄂人稱外家爲家家)門前過，舅舅在搖家婆。」

(丙) 老農諺語 農人不通氣象，對於所植農物，全憑歷年經驗，以推測其於天候是否相宜，遂發生種種諺語，以爲農家後輩之指導。余就採集所得，分述於下：

(1) 春日諺語 元宵占早稻云：「雨打元宵燈，早禾一束稿。」

正月宜雪：「正月有三白，田公笑哈哈。」二月初一不宜晴云：「二

月初一晴，山林樹木兩度青。」又云：「二月初一打傘，菽麥必定光

桿。」立春晴，則是年雨水必均調云：「但春晴一日，農夫不

用力耕田。」社日宜雨云：「春社無雨莫種田。」雷宜驚蟄前云：

「雷打驚蟄前，高山也種田；雷打驚蟄後，低田種菽豆。」又云：「雷

打驚蟄節，二月雨不歇，三月少乾田，四月秧生節。」花朝宜晴云：

「花朝月明，棉花十分。」三月三日，農家聽蛙下水旱云：「田家無

五行，水旱卜蛙聲。」是日雨則年豐，晴則旱而桑貴云：「三月初

三晴，桑上掛銀瓶；三月初三雨，桑葉上苔痕。」

(2) 夏日諺語 立夏宜雨云：「立夏不下，犁耙高掛；小滿不

滿，芒種不管。」四月初一至初四陰晴占水旱云：「初一落雨斷

江湖，初二落雨井底枯，初三落雨車轂叫，初四落雨滿江浮。」四

月八日宜燥不宜寒云：「黃梅寒，井底乾。」又云：「四月八日晴，錢

衣笠笠蓋田塍；四月八日烏簇簇，丟了高田種湖曲。」夏至宜雨

云：「芒種無雨，山頭無望；夏至無雨，確頭無穗。」又云：「夏至無雨

見青天，有雨直到立秋邊。」五月初八、十八、二十八宜雨云：「頭

八無雨二八休，三八無雨直到秋。」五月二十六爲穀生日云：

「得穀不得穀，但看五月二十六。」六月初一雨可占一月多雨云：

「六月初一得一溜，溜滑溜直到秋。」又云：「六月打連陰，點點是

黃金。」

(3) 秋日諺語 立秋宜在晝間云：「睜眼秋，收又收；閉眼秋，丟又丟。」立秋占風云：「秋前北風秋後雨，秋後北風乾透底。」八月自初一至初八晴，則八月無雨云：「八月八日晴，八月無雨過田塍。」中秋宜月明云：「中秋月不明，雨打上元燈。」八月常下大雨云：「湖內人，莫誇嘴；八月有個蓼花水。」重陽日多暴風，謂之寒信風，諺云：「三月三，九月九，無事莫到江邊走。」重陽晴則冬晴云：「重陽無雨看十三，十三無雨一冬乾。」

(4) 冬日諺語 立冬占晴雨云：「立冬無雨看冬至，冬至無雨一冬晴。」十月十六晴，則冬多雨云：「十月十六晴，交春落雨到清明。」冬月三十一（初十一、二十）宜晴云：「冬月三十一晴，米穀一般平；冬月三十一陰，米穀貴如金。」臘月宜雪云：「若要麥，臘月見三白。」

八 荆沙間之古蹟

荆沙間爲舊楚都，且係歷代重地，故其古蹟頗多。茲就其有形蹟可考，及較著者分述於次：

(1) 紀南城 紀南城在江陵縣城北，楚文王自丹陽徙此。班

固言楚之郢都也。今已變爲鄉村，土城猶存痕蹟。

(2) 郢縣故城 今呼古郢城，在江陵城東北六里，漢置。現爲鄉村，卽戈家角老，黃家角老等處，土城猶存痕蹟。

(3) 孫叔敖墓 在沙市北香山寺東。（光緒湖北通志謂在江陵城內）孤塚隆然，形勢頗壯，墓前有碑，鐫「楚相孫叔敖之墓」。傍鐫乾隆二十二年，按察使司分巡荆宜施來鳴謙敬立等字。

(4) 石馬槽 在荆城舊府署內，相傳爲關羽飼馬物。槽爲白石，長約丈七尺，寬約三尺，深約一尺五寸，槽緣刻捲草花紋，已剝蝕難辨，石色極蒼古。江陵縣志「石馬槽」在府治內，相傳關某飼馬物，今隸卒飲馬於此，輒鳴躍不前。「槽旁有碑，嘉慶庚午，古淪雒昂記云：「郡署東偏隙地，相傳爲關聖鎮守荆州時，畜馬之所，有石槽一，形質甚古，洵非近代之物。然考諸志乘，並無是說，豈傳者附會耶？抑記載之人，因事遠年湮，無所考據，故略而弗論耶？」現府署傾圮漸盡，馬槽遺於瓦礫堆旁，無人珍重古物，善爲保存，誠荆州人士之恥也。

(5) 煙墩 在城東南，關羽守荆州時所置，今江堤上每數里

猶有一如阜者，是其遺蹟也。(以土門頭之土阜為最著)


(6) 承天寺中大鐵鑊 承天寺在荊州東城天主堂間壁，入門處有小六角亭，內置大鐵鑊一，其形似釜，高約三尺，徑約五尺，厚約三寸，外有六耳，相傳為張桓侯軍中所用大鑊。此說有無根據，尙待查考，光緒湖北通志云：「承天寺在駐防界城內，晉永和中建，其基址為羅含故居，宋羅憲建叢蘭精舍，有古舍利七，唐畫羅漢十六，大鐵鑊一……」亦未言為張飛遺物，而異口同聲，作此傳說，究何自來，亦一應研究之問題也。

(7) 關帝廟中之玉器 荊州城內老關帝廟，原頗宏壯，近已破敗不堪。廟中住有關公嫡裔數戶，聞其祖先由當陽遷來，(當陽即關羽兵敗被殺之麥城附近) 世居廟中，如孔廟之衍聖公也。現均貧苦不堪，藏有古裝所佩玉飾數事，謂係關公遺物，往觀者須予以錢，始出相示，其色不甚蒼古，是否漢時物，尙為疑問也。

九 沙市與宜昌

宜昌與沙市，鄂西兩商埠也：一為四川全省對外貿易之咽喉，一為荊州舊屬土洋貨物聚散之中心，在湖北及長江上游，均居

北 湖



極重要位置，大有吾人注意之價值也。

余因服測量任務，曾至此兩處，略事勾留，對於其社會狀況，加以考察，作成此篇，爲延袤寬廣情形複雜之我國一小部寫真，以供留心國情者之參考。惟走馬看花，或語焉不詳，或皮相之言，不免錯誤舛謬，望讀者有以教正之。

宜昌，沙市之繁榮，不在現在，而在將來，蓋以其有增進將來位置之優點也。優點維何？

(甲) 宜昌方面 (一) 適當川漢鐵路漢口宜昌段銜接長江之中點也。(二) 適居險惡峽江，與平緩寬江之交點也。(即淺水輪與深水輪之交換地) 將來川漢鐵路告成，四川之出口貨物，由車運者，必於宜昌改用船運，以冀運費之減輕。入口貨物，由船運者，必於宜昌改用車運，以期時間之迅速。而宜昌居此水陸換駁之樞紐，其商務隨之發達，實自然之勢也。

(乙) 沙市方面 (一) 當襄沙長途汽車路之終點也。荆襄爲



舊日西南各省入京通衢，地位極爲重要，自長江輪船發達，加之京漢鐵路築成，西南旅客，遂舍荆襄，而趨漢口，此路頓形衰落。現襄沙長途汽車路成，而豫西陝南，對於黔湘之交通，則不用迂道漢口，必又遵襄沙路，而直趨沙市矣。(二) 當沙興鐵路(由沙市經湘之常德，黔之貴陽達興義)擬修線之起點也。貴州者，煤炭，五金，硃砂，水銀等鑛產最富之省也，徒以交通不便，致無盡寶藏，置諸無用之地。且黔不產棉，全省所用之棉花，棉紗，布疋等，十之八九，仰給湖北。如將來沙興路成，則煤炭，五金等鑛產，必盡量輸至工業發達之武漢，棉布，洋貨，亦必大批輸入貴州，以供黔人之需求，而沙市之興，必一日千里也。

宜昌，沙市之繁榮，固如上述，在將來而不在現在，但將來何時始如所期，則須視吾國政治能修明與否，及沙市人士之努力若何，以定其遲早也。

